

胡公阁笙家传

公讳锡祥字阁笙湘阴胡氏由鱼思顓塘迁居毛公坪先辈世有隐德笔之於家牒者不乏其人公皇考载材公皇妣周太夫人生事死葬祭奠之礼恪遵旧典克尽子職孝行优異为乡里啧啧所称道兄弟五人公其子季也公之四兄锡吉公号志学於清光绪末叶历任武职甲午牛莊驱倭之役身先士卒中弹刖足号称夔一足以战功卓著清庭褒卹特优昆仲团聚时棣萼楼头清谈剪烛乐叙天倫精诚友爱当时人咸以难兄

难弟誉之公幼而颖慧举止端莊性嗜学寡言笑师事鄒藻林
朱福祺先生终日把卷默識恬吟奮志科名刻苦自立既而就
课于仰高城南两书院学行深造誉望日隆閒居益自检制炎
夏不袒隆冬不裘虽家境窘迫蔬食麤服怡然若有以自得也
生平不慕荣利不阿权贵终身以教授为務曾设馆於湘潭湘
阴及桑梓等处束修自奉俭约自守学徒游其门者则教之以
文行忠信修齐平治之事下至饮食起居洒扫应对各有规律
往来酬酢亲听言动各如礼法公与先君子鹤林交好三十餘
年居聊联咫尺情笃斯文周旋至为密切每当会晤作竟日勾

留兩忘形跡清光緒壬辰公任纂修族譜之責千頭萬緒遠紹
旁搜一意孤行編輯成牒俾族衆親親之義油然而生是亦公
敬宗收族善繼善述之曠代勛勞也德配曹宜人乃邑庠生曹
仲渠先生五女也幽閒貞靜淑慎慈祥懿德芳型不墜陶歐風
范其助公創守多所成就者不勝枚舉公生於清同治四年乙
丑九月初六日子時卒於民國元年壬子二月二十二日亥時
春秋四十有九子三長舜卿次唐卿三濟卿女一适羅今則諸
孫亦嶄然頭角矣嗣君濟卿讀書有成努力禮義居恆修齊之
道能繼公之志紹公之裘公之裘恢公之緒曩者馳驅閩粵任

职军政各界及办理福建水口釐務解组归来佐治乡政廉介
可风邻里有以纷争千者义不容辞则力为排解月旦公评咸
钦质直兴锐谊盍朋簪交深丽泽苒苒又数十寒暑矣今胡氏
续修家乘不日付梓济乡属锐为公立传锐以戚友世谊两代
深洽知公行状綦详故不揣鄙陋谨述梗概以誌简篇而示来
葉其他言行不及备論云

民国三十六年 丁亥岁 农历 十月既朔

姻世姪祖耀曹英锐敬撰